



Na osnovu člana 69. stav 2. d) i 70. stav 1. 4. i 6. Zakona o javnim nabavkama („Službeni glasnik BiH“, broj 59/22), u otvorenom postupku za nabavku vozila za nepristupačne terene (četverotočkaš) sa opremom za strukture CZ, Gradonačelnik donosi:

ODLUKU
o poništenju postupka javne nabavke

Član 1.

Poništava se otvoreni postupak javne nabavke za nabavku vozila za nepristupačne terene (četverotočkaš) sa opremom za strukture CZ, iz razloga što jedina zaprimljena ponuda nije prihvatljiva, a u skladu sa članom 69. stav 2. tačka d) Zakona o javnim nabavkama.

Član 2.

Za izvršenje ove odluke zadužuje se i ovlašćuje Služba kabineta Gradonačelnika.

Član 3.

Ova odluka objavit će se na web-stranici Grada Zenica, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 02-11-23315/22 od 14.11.2022. godine. Obavještenje o nabavci broj: 1355-1-1-305-3-212/22 objavljeno je na Portalu javnih nabavki dana 18.11.2022. godine i u Službenom glasniku broj: 77/22 od 28.11.2022. godine.

Procijenjena vrijednost za predmetnu nabavku iznosila je 45.000,00 KM bez PDV-a.

Do krajnjeg roka za dostavu ponuda, Ugovorni organ je zaprimio jednu ponudu ponuđača GUEVARA BH d.o.o. Banja Luka koja ne ispunjava uslove propisane tenderskom dokumentacijom i ista se odbacuje iz sljedećih razloga:

- Prve dvije stranice ponude ponuđača GUEVARA BH d.o.o. Banja Luka uopšte nisu numerisane, dok ostatak ponude nije numerisan na način propisan tačkom 4.1. tenderske dokumentacije, kao i čl. 8. stav 6) i 7) Uputstva za pripremu modela tenderske dokumentacije i ponuda. Način na koji je ponuda numerisana ne obezbjeđuje kontinuitet numerisanja.
- Ponuđač u svojoj ponudi nije dostavio spisak izvršenih ugovora izdat od strane ponuđača, kako je propisano tačkom 3.3. tenderske dokumentacije.
- U svrhu ispunjavanja uslova iz tačke 3.3. alineja a) i b) tenderske dokumentacije, ponuđač je dostavio Potvrdu izdatu od strane GUEVARA d.o.o. Beograd kojom potvrđuje da je



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

GUEVARA BH d.o.o. Poslovna jedinica Banja Luka ovlaštenu distributer i serviser, te da je GUEVARA BH d.o.o. Poslovna jedinica Sarajevo ovlaštena za prodaju i servisiranje ponuđenog vozila. Iz dostavljenog Aktuelnog izvoda iz sudskog registra evidentno je da je GUEVARA d.o.o. Beograd osnivač GUEVARA BH d.o.o. Banja Luka, te da se kao direktor obe poslovnice navodi isto lice Vladimir Nikolić. Tačkom 3.3. alineja a) i b) tenderske dokumentacije propisano je da se kao dokaz ne može dostaviti dokument koji je ponuđač izdao sam sebi, stoga se navedena dostavljena potvrda ne može prihvatiti.

S obzirom na gore navedeno, Ugovorni organ poništava postupak javne nabavke u skladu sa članom 69. stav 2. tačka d) Zakona o javnim nabavkama.

POUKA O PRAVNOM LIJEKU

Protiv ove odluke može se izjaviti žalba Uredu za razmatranje žalbi putem ugovornog organa: Grad Zenica, Služba kabineta Gradonačelnika, Trg BiH 6, 72000 Zenica, u roku od 10 (deset) dana od dana prijema ove Odluke.

Žalba se podnosi u 3 (tri) primjerka u pisanoj formi.

Broj: 02-11-23315-2/22

Datum: 21.12.2022. godine

DOSTAVLJENO:

- 1 x Ponuđač
- 1 x Služba kabineta Gradonačelnika
- 1 x Tenderska dokumentacija
- 1 x a/a

